




NIT Nagaland gasu Liangmai Pui riliu Mala Pamai niu PH.D degree doulude

Page 2

Kerala gasu Tingkum 11 nahpui niu Chamik rapot phuipad lura mobile-app taliu lude

Page 2



Zengtung 28 Kanahhiu 2023, Machanai -Office Gaililong,Tamei. PO-Tamei ,Tml. Dist.Manipur Vol.II. Issue 17 page 1

“*Khengrang thiubo gasu ladjan thiumai kumjiu, naliuniu chalad rona din makjiu changam di kam lulo*”
James 2:12

Class-12 Exam khaijiu bambo ariaknah tu Kangpokpi ga kit shat mide



kangpokpi, kanah 27:

Damdei Christian College, Taloulong gu ariaknah Seigunlal Misao takum 17 tu Sharon Veng Motbung Model ram ,Kanpokpi district ganiu palun Simak mainiu nidangnai wangchak 8:30pm kumbo ga kit shat khai dia ye. Seigunlal Misao hai tuhoi COHSEM niu tadkiujiu bambo Class XII gu exam khaijiu bam bowe. Seigunlal Misao(17) hai Sharon Veng ga lubam bo Lenkothang Misao Nahpiu we. Seigunlal tu hai paky gasu diumak bo khaiga palun simak mainiu kitshat khaidiak lujiiu imphal jai lam kari paphi-nia gu thinlu pakkhai mibo we chi u we.

Sp TH. Vikramji Singh niu Kangpokpi Police tu majangjiu sibo bam ga mengjiu siga chalung pomjiu bambo chamai dungtu mataa khaijiu kashai pum si Post Mortem leng RIMS lam pikhai mide. Pasai bonai nson JAC taliulujiu sibo ngamkam tu suinimakbo madujiu sit in protest hai Motbung model village ga kamkhaibo nai ncham kasha kam jiu chamai kamshat khaibi maitu majatjiu phiura Government khuga dinmide.

Khatdi State government niu E-gratia hai rk 5 lakh pikhaineh tiu we khatdi govt gu chakam hai paky riangrui dou kaji maileng pikhaine tiujiu Biren niu facebook ga mennai dinmide

-source IFP

Police Station 4 hang ga AFSPA lupad mide



Impha, kanah 25:

Manipur ga AFSPA 1958 gu Section 3 hang gasu Disturb area tiujiu damkhai bambo police station 4 Leimakhong, Nambol, Moirang khatdi Wangoi lungga su AFSPA hai lupad mide chiujiu Chief Minister N Biren Signh niu Nidwangnai dinpad mide. N Biren niu pagu secreatariat ga dinne, karai ga police station 15 hang ga su disturb areas status hai lupad mibo we tiujiu tuhoi pakhiang na police station 19 gasu lupa mibowe. haibo district 7 - Imphal West, Imphal East, Thoubal, Bishnupur,Kangpokpi khatdi Jiribam -hang ga bam bo Police station 19 ga kajinhiiu 1 gasu chahiu charuk leng disturb areas status hai lupad mibowe.

AFSPA donjengni u aliu chariubo waji u adoumibo tu Chief minister niu dintou khaiye

,AFSPA lupad khaira khengbo donjeng gasu chamai waji u ga ajam thiuniu bo adoukhai mibo we chiujiu pahniu dinne.

2004 ga centre niu police station 6-Imphal,Lamphel City,Sagolband,Porompat khatdi Heingang ga su AFSPA hai lupad khaimibo we.

Prime minister Narendra modi khatdi Home Minister Amit Shah hang gasu 2022 ga district 6 ga bambo police station 9 -Sekmai, Lamsang, Patsoi, lamlai, Thouubal, Bishnupur, Kakching khatdi jiribam ga AFSPA hai kajinhiiu ga lupad khaimibo we.

N Biren niu Narendra Modi niu majangbam bo central government niu Manipur gu Police station katamtambo hang ga su ‘disturb areas’ Status hai khiipad khaibi bo tu Manipur mai malin thiujiu Centre tu thonkiu khaiye sigasu police sttion madai gasu Disturb area status kupad khaibi hai aliu North east mai para thiujiu Manipur mai leng centre niu manang khaibam bo madu leng khaibo we chiujiu Biren niu dinne.

-source sangai exp

“Green Tree Academy ga Changam kubo”

- 1. Post of Counsellor/Psychologist** – 1 post (Female Qualification: Master Degree in Psychology (specialized in clinical or counselling psychology)“
- 2. Assistant Teacher (Pre-primary)** – 1 post (Female) Qualification: Graduate with Montessori Teachers Training (MTT) or Nursery Teacher Training (NTT)
- 3. Assistant Teacher (Primary)** – 1 post - (Female) Qualification: Graduate with Montessori Teachers Training (MTT) or Nursery Teacher Training (NTT)

Alamkhaira- 7005247150

NSCN(I-M) niu ULB elcection karamhiu 16 bonai tadkiura bo tu suini makbo dinpad mide



Dimapur, kanah 26:

State Election Commision (SEC) niu Urban Local Bodies gu election hai Karamhiu 16 bonai tadkiu raleng dinpad mibo si NSCN(I-M) niu suinimakbo lad din mide. Karamhiu 16 bonai haisi Naga mai leng Manigtoubambo khatdi tingmik pui kawi thiubo naiye, sibo tingmikpui nai siniu Naga gu racham ga pi tamsin khaibo we, sichiujiu sibo tingmikpui situ local bodies gu Election siniu kam maha khaibo suimak ge chiujiu dinne. Sichiujiu Karamhiu 16 gu Historical importance lam ga dinjiu, Naga mainiu Khengrang thiumideh chiubo dinmadu pabo tingmik Nkhamhiu 14,1947 sai ga karamhiu 16.1951 nai Naga Plebiscite haisi kamkhai mibo we siga aliu gu wangdih aliuniu machataliu jiu aliu khengrang thiumide chiubo madupad mibo nkhamhiu 14,1947 lamga chap matid sanbamra kamkhai mibo we.

Karamhiu 16,1951 ga chap khai mibo siniu 1997 ga Indo-Naga Ceasefire signed kamkhaijiu tuhoi India ma nai Naga mai chalad npoujiu bam bo npuiky si don khaibi bo we chiujiu dinne.

Urban Local bodies gu Election haisi karamhiu 16.2023 ga tadkiura leng SEC niu madukhai bo aliu Naga mai lungchun kam masha khaibo we chiujiu NSCN(I-M) niu dinne.

-source NP

Chalad N-bung

Talung : Wakangengbo kakungbo khatdi kawibo hina baikhai bambo situ "Talung" chiwjiu kuwe.

Liangmai Orthography

1.8.1. KHAGIAK PAARABO ZAI

- p ph b
- t th d
- k kh g
- m n ng
- ch s z h
- r l w y
- Example
- P niu Pengphai
- Ph niu Phaksi
- B niu Bamre
- T niu Taza
- Th niu Thingna
- D niu Diuga
- K niu Kamaii
- Kh niu Khum
- G niu Gaazing
- M niu Malii
- N niu Niugam
- Ng niu Nguna
- Ch niu Chakui
- S niu Singgiu
- Z niu Zungkhap
- H niu Hengset
- R niu Riam
- L niu Langpi
- W niu Wangkham
- Y niu Yo

1.8.2. SIUGIAK PAARABO ZAI

- a a: i e o u
- Example
- A niu Ariak
- A:2 niu Chapa
- I niu Tiupi
- E niu Chaken
- O niu Chabon
- U niu Singku
- to be contd.

Rahul Gandhi tu MP bam gasu disqualify thi u mide



New delhi, kanah 24:

Congress party leng phisui kadibo doumide, palamra Karai ga paliu gu bampi thiukhaibo rahul gandhi tu LOK Sabha gasu Paniu 2019 ga maitu din masa khaibo gu tathu jengniu patu disqualify thiukhai mijiu. Siga Lok Sabha secretariat niu rahul gu constituency ga pabam amrong mibo sisi dinpad jiu election commision niu Special election si kamra dinpad bo suimi deh chiujii din ne. rahul gandhi niu prime minister narendra modinai billionaire Industrialist guatam adani panai kak ga degu bam lo chiubo si maniujiu, JPC joint parliamentary comittee si sibao lam ga phiupadra taliukhaira kheng bam bo we.

Rahul gandhi hai Kerala gu Wayanad Parliamentary constituency ganiu cahp jiu patu hai LoK sabha member gasu kanahhiu 23 bonai article 102(1)(e) India gu Constitution ,Representation of people act.1951 gu section 8 gu provison gasu patu hai disqualify kam khaimibo we chiu Lok sabhagu secretariat niu din pad mide. siga Congress gu senior Leader Manish Tewari niu hai decission hai mou we chiujii lok sabha secretariat niu Mp khat tu disqualify kamdoulak ge, siga President niu lection Commission tu poulujiu kamrabo we chiujii NDTV ga pahniu dinne, khatdi rajasthan gu chief minister Ahsok Gehlot iu haisi "Dictatorship" gu ngamkam maduleng bo we chiujii dinne.

PM Modi niu North East India ga Raithubo Vande Bharat train si kajinhiu ga lekhai bo sui ye



Guwahati, kanah 24:

North East ga raithubo Vande Bharat express Guwahati nai New Jalpaiguri kak tadra bo train si kajinhiu 14 bonai PM Modi niu lekhaibo suiye chiujii dinne. North East frontier railway dungniu India gu train tad majat thubo si north east ga launch kamra leng changam kaden jiu bammi de chiu we. Kajinhiu 14 bonai Pm Modi niu Guwahati ga wangbo ga sibo train si lepad khai ra leng marangjiu bam me chiujii official dungniu PTI ga dinne. Pm Modi niu Kajinhiu 14 bonai Guwahait ga wangjiu Bihu changee ga chamai 11,140 drummers khatdi dancers, siniu "folk dance form "ga chamai kengthubo thiujii Guinness wolrd record lura leng marang bam bo si phuira ye. Pahniu state ga wangbo ga Trains tadhoura leng di lepad khaibo suiye chiujii officeial niu dinne,

Vande Bharat hai pagu speed keng kachangbo si 160km/hr ye. khatdi madiubam bo ting si pagu speed 180km/hr ye. chiudi India ga train npuiky kakeng wiju makbo donniu 130km/hr ga train si tadjii bam me.

Sibo Guwahati -New Jalpaiguri kakga tadra bo Vande bharat express train gu speed si 110km/hr ga tadsune chiujii NRF gu official niu dinne.

-Source sangai Exp

NIT Nagaland gasu Liangmai Pui riliu Mala Pamai niu PH.D degree doulude

Dimapur, kanah 25:

Luangdi Pabram gasu lungkhangbo Aphian Pamai nai Khangtheng pamai nahpui riliu Mala Pamai niu National institute of Technology-Nagaland gasu Ph.D degree Award hai doulu mide. NIT-Nagaland ga pagu thesis- "Amino-functionalities copper and Cobalt Metal-organic Frameworks for diverse applications" chiubo gasu patu hai NIT-Nagaland niu Organic Chemistry gu Ph.D degree hai pikhai bo we.

Kerala mai Tingkum 11 nahpui niu Chamik rapot phuipad lura mobile-app taliu lude

-soucre NDTV kanah 27:

Aliu mainah Leena Rafeeq kubo takum 11 ronna tingbo pui kerala gasu Iphone ganiu Chamik rapot phuipad kasuibo AI-based app hai taliu khai mide. Leena Rafeeq niu taliu pad bo app hainiu chamik rapot Arcus, Melanoma, Pterygium khatdi Cataracts lam ga phuira leng thinsui ye chiu we. Pahniu "Ogler Eye Scan" chiukubo apps lam tingkum 10 bamkha gasu changam kamhou mibo we chiujii dinne.

Mathen Cham

Tri-Nation International tournament Kyrgyz Republic nai Myanmar mathen bo ga 1-1 Draw mide



Imphal, kanah 24:

Khuman Lampak stadium, Imphal nidwangnai kahanhiu 25 bonai Kyrgyz republic khatdi Myanmar mathenbo bo ga khangnia macahm rap jiu 1-1 ga draw ta mi de. Aung Thu niu karai bo 2nd half ga Myanmar leng gaol khaibiye khatdi Zhyrgalbek Uulu Kairat niu In-jury time ga KYrgyz leng Goal khaijiu 1-1 ga loikhai mide.

MARENMAI DENTAL CLINIC
MARENMAI DENTAL
DENTAL HOME FOR PEOPLE IN NEED
OFFER EXPIRES ON 28th MARCH 2023
30% off for all customers, consultant fee free.
Tamei HQ towards Klongbang road | WhatsApp: 9680975806